

vnd bließ ihm darnach von seinem Geist ein lebendige Seel  
ein/ so da ewig vnd vnsterblich/ vnd setzet ihn in das Paradeis/  
so die ganze Welt ist / zu einem Herzen / damit er erstlichen als  
von der Erden genommen/in dem Paradeisfischen Lustgartē sein  
Lust vnd zeitliche Frewde haben möchte / vnd hernacher nach  
vollender zeitlicher Bollust vnd Freude / mit G D T in alle  
Ewigkeit vnsterblich leben möchte . Als nun die Engel (ein  
Theil sage ich) als Lucifer / der der allerschönst vnd höchst vber  
alle Engel geschaffen / mit seinen vndergebenen Engeln vnd  
Geistern sahe / das dem Menschen solche grosse Gnad/ Gaben  
vnd Geschencke auß nichts geben würden : Erstlich das ganze  
irdische Gebew etliche Tausent jahr zu bewohnen/ seinen Lust  
darin zuhaben/ vnd darnach ewig mit den Engeln zu leben/ hat  
ihn solches verdrossen vnd wehe gethan / dem Menschen sol-  
ches aus lauter Hoffart mißgünnet. Derowegē er auch auß dem  
Himmel / von anderen Engeln/ als ein Hoffertiger mißgünnes  
der Geist außgeworffen vnd gestossen. Dieser böser Geist / hat  
sich darnach an den Menschen gemacht / auß Neid vnd Haß  
daß Ebenbildt G D T es zuuerderben / wie es ihm dann auch ges-  
lungen. Siehe diß ist der Geistliche Rauber: damit aber diesem  
Rauber vnd Feindt/ sein geraubte Beute nicht möchte gelingen/  
so hat sich der ewige Sohn G D T es/ als ein Vorsechter vnd  
Kitter dargestellet / denn außgestossenen Engeln ihren Raub ab-  
zujagen. Da dann als baldt die Gerechtigkeit G D T es solches  
nicht wollen zulassen / sondern dem Menschen seine verdiente  
Straffe wegen Vberschreitung seiner Gebott ergehen lassen/ da  
hat sich als baldt auß lauter Gnad vnd Güte/ der Ewige Sohn  
G D T es/ als der erste Kitter dargestellt: Erstliche der Gerech-  
tigkeit G D T es ein Genügen zu thun / welches sein bitter Leiden  
vnd Sterben/ vnd hernach hat er mit den Feinden den Streit  
für die geraubte Beut angenommen/ Kitterlichen alle Feinde er-  
legt vnd vberwunden / vns armen Menschen / als das außges-  
henckte